

傷寒雜病論集註

國氏



南京中醫藥大學圖書館版權所有

傷寒雜病論集註卷六

長安黃維翰竹齋甫學

藍田趙丕燮和庭甫校

遵化李 崑曉峯甫刊

辨太陰病脈證并治

太陰之爲病、腹滿而吐、食不下、自利益甚、時腹自痛。若下之、必

胸下結鞭。

「脈經」「千金翼」不下下有下之二字無自利二字及若下之必四字結鞭「玉函」作痞堅

張隱庵曰：太陽之氣若天，日太陰之氣猶地土。此言太陰受病，地氣不升而自利自痛也。太陰爲病，腹滿者，腹爲脾土，太陰之所居也。脾氣不能上交於胃，故腹滿；胃氣不能下交於脾，故吐。脾胃之氣不相通貫，故食不下。自利益甚者，溼氣下注也。時腹自痛者，脾絡不通也。若下之，則傷陽明胃土之氣，故必胸下結鞭。○程郊倩曰：腹滿而吐，食不下，則滿爲寒脹，吐與



食不下總爲寒格也陽邪亦有下利然乍微乍甚而痛隨利減今下利益甚時腹自痛則脹虛而寒益留中也雖曰邪之在藏實由胃中陽乏以致陰邪用事升降失職故有此下之則胸下結鞭不頂上文吐利來直接上太陰之爲病句如後條設當行大黃芍藥者亦是也曰胸下陰邪結於陰分異於結胸之在胸而且按痛矣曰結鞭無陽以化氣則爲堅陰異於痞之濡而爽矣彼皆陽從上陷而阻留此獨陰從下逆而不歸寒熱大別腹爲中部胃與脾兩主之胃病軋妨及脾脾病亦妨及胃陽明見證陽鬱及脾亦多主嘔而胸結太陰見證陰寒及胃故多上吐而下利○尤在涇曰太陰之脈入腹屬脾絡胃上膈俠咽故其病有腹滿而吐食不下自利腹痛等證然太陰爲病不特傳經如是即直中亦如是且不特傷寒如是即雜病亦如是但有屬陰屬陽爲盛爲虛之分耳○「金鑑」此太陰病全篇之提綱後凡稱太陰病者皆指此證而言之

張兼善曰或謂凡傷寒初受者皆在太陽然後傳於陽明少陽也病有自陰經而入者未審何經先受也夫病自陽經發者爲外感風寒邪從表入故太陽先受之也病自陰經起者爲內傷生冷飲食過多故從太陰入也太陰者脾也以飲食生冷則傷脾故腹滿而吐食食不下自利不渴手足自溫等證也

「傷寒蘊要」凡自利者不因攻下而自瀉利俗言漏底傷寒者也大抵瀉利小便清白不澀完穀不化其色不變有如驚塘或吐利腥穢小便澄徹清冷口無燥渴其脈多沉或細或遲或微而無力或身雖發熱手足逆冷或惡寒踈臥此皆屬寒也凡熱證則口中燥渴小便或赤或黃或澀而不利且所下之物皆如垢膩之狀或黃或赤所去皆熱臭氣其脈



多數或浮或滑或弦或大或洪也亦有邪熱不殺穀其物不消化者但脈數而熱口燥渴小便赤黃以此別之矣

案太陰與陽明爲表裏皆有腹滿之證然陽明之腹滿爲腸胃中有宿食燥屎故大便利則滿亦去太陰之腹滿爲腸胃外鬱寒溼故下利而滿仍不除也此證與霍亂相類而以腹滿別之蓋霍亂爲陽明之卒中此則太陰之慢發

「傷寒辨要」本篇曰下之必胸下結鞭朱肱曰近人多不識陰證纔見胸膈不快便投食藥非其治也大抵陰證者由冷物傷脾胃陰經受之也主胸填滿面色及唇皆無色澤手足冷脈沉細少情緒亦不因嗜慾但內傷冷物或損動胃氣遂成陰證復投巴豆之類胸膈愈不快或吐而利經一二日遂致不救蓋不知寒中太陰也近世此證頗多與增損理中丸救活夥

太陰中風四肢煩疼陽微陰濇而長者爲欲愈

張令韶曰太陰中風者風邪直中於太陰也○錢天來曰四肢煩疼者言四肢酸疼而煩擾無措也蓋脾爲太陰之藏而主四肢故也陽微陰濇者言輕取之而微重取之而濇也脈者氣血伏流之動處也因邪入太陰脾氣不能散精肺氣不得流經榮陰不利於流行故陰脈濇也陽微陰濇正四肢煩疼之病脈也長脈者陽脈也以微濇兩陰脈之中而其脈來去皆長爲陰中見陽長則陽將回故爲陰病欲愈也○柯韻伯曰風爲陽邪四肢爲諸陽之本脾主四肢陰氣衰少則兩陽相搏故煩疼脈濇與長不是並見濇本病脈而轉長病始愈耳風



脈本浮今而微知風邪當去濇則少氣少血今而長則氣治故愈四肢煩疼是中風未愈前證微濇而長是中風將愈之脈宜作兩截看

〔素脈要精微論〕長則氣治〔王註〕長爲氣和故治

案此節四肢煩疼之證與太陽篇下風溼相搏二節相類陽微而濇卽浮虛而濇之互詞

下文云大便鞭知上自利

也此不言溼太陰本氣也

太陰病欲解時從亥至丑上

至〔玉函〕作盡無上字
〔占本〕列此條本篇末

柯韻伯曰經曰夜半後而陰隆爲重陰又曰合夜至雞鳴天之陰陰中之陰也脾爲陰中之至陰故主亥子丑時○陳修園曰太陰爲陰中之至陰陰極於亥陽生於子至丑而陽氣已增陰得生陽之氣而解也○唐容川曰人有白晝不能食至夜能食者得脾陰之旺氣故也章虛谷曰晝爲陽夜爲陰陰經之氣旺於夜間陰分但必得陽生之氣而邪方解子時一陽初生故太陰病解於亥子丑三時中少陰厥陰挨次而解也

案三陰玉時皆在夜間而施治服藥則在日間者不惟取人事之便亦以病及於陰則陽未有不病也如茵陳蒿湯云一宿腹減桂枝人參湯云日再夜一服理中湯云日三夜二服等是也

太陰病脈浮者可發汗宜桂枝湯



張隱庵曰太陰在內主募原太陰在外主肌腠故病太陰而脈浮者宜桂枝湯以解肌而發汗也金匱要畧云腠者三焦通會元真之虛理者皮膚藏府之紋理蓋皮膚有此紋理而藏府之募原亦有此紋理外內相通太陰主之程氏曰紋理卽肌腠也其曰皮膚之紋理以肌腠外連於皮膚而藏府之紋理可意會矣○程郊倩曰此太陰中之太陽也雖有裏病仍從太陽表治方不引邪入藏○柯韻伯曰太陰主裏故提綱皆屬裏證然太陰主開不全主裏也脈浮者病在表可發汗太陰亦然也尺寸俱浮者太陰受病也沉爲在裏當見腹痛吐利等證此浮爲在表當見四肢煩疼等證裏有寒邪當溫之宜四逆輩表有風熱可發汗宜桂枝湯太陽脈沉者因於寒寒爲陰邪沉爲陰脈也太陰有脈浮者因乎風風爲陽邪浮爲陽脈也謂脈在三陰則俱沉陰經不當發汗者非也但浮脈是麻黃脈沉脈不是桂枝證而反用桂枝湯者以太陰是裏之裏證桂枝是表之裏藥也○徐靈胎曰太陰本無汗法脈獨浮則邪在表故亦用桂枝從脈不從證也

王宇泰曰病在太陽脈浮無汗宜麻黃湯此脈浮蓋亦無汗而不言者謂陰不得有汗不必言也不用麻黃湯而用桂枝湯蓋以三陰兼表病者俱不當大發汗也須識無汗亦有用桂枝湯也○陳修園曰時說以桂枝湯爲太陽專方而不知亦陰經之通方也又以爲治自汗之定法而不知亦治無汗之變法也○唐容川曰太陰病是指腹滿溼氣爲病也溼在內脈當沉今脈浮者是溼從外至仍欲外出之象故用桂枝湯從中外托使自油網

中而托出肌
外以爲汗也

自利不渴者屬太陰。以其藏有寒故也。當溫之。宜服四逆輩。

〔玉函〕〔千金翼〕無服字輩。〔脈經〕作湯。

成無已曰自利而渴者屬少陰爲寒在下焦自利不渴者屬太陰爲寒在中焦與四逆等湯以溫其藏。○魏念庭曰以其人脾藏之陽平素不足寒溼凝滯則幹運之令不行所以胃腸水穀不分而下洩益甚自利二字乃未經誤下誤汗吐而成者故知其藏本有寒也。○舒馳遠曰口渴一證有爲實熱亦有虛寒若爲熱邪傷津而作渴者必小便短大便鞭若自利而渴者乃爲火衰作渴證屬少陰者以寒中少陰腎陽受困火衰不能熏騰津液故口渴法主附子助陽溫經正所謂釜底加薪津液上騰而渴自止若寒在太陰於腎陽無干故不作渴。○陸九芝曰三陰皆有自利自利不皆屬寒少厥之自利多口渴太陰之自利則不渴不可見太陰之獨有寒邪其曰手足自溫者正謂其一身無熱而但有手足之尚溫故卽未成厥逆亦有取乎四逆之治。

陳修園曰以不渴一證認太陰是辨寒熱利之金鍼脾不輸津於上亦有渴證然卻不在

太陰提綱之內

〔此事難知〕此條雖不言脈當知沉遲而弱

傷寒脈浮而緩手足自溫者繫在太陰。太陰當發身黃若小便

自利者不能發黃。至七八日雖暴煩下利日十餘行必自止以

脾家實腐穢當去故也。

以一字「玉函」作所以然者四字
暴煩下利「千金翼」作煩暴利

錢天來曰緩爲脾之本脈也手足溫者脾主四肢也以手足而言自溫則知不發熱矣邪在太陰所以手足自溫不至如少陰厥陰之四肢厥冷故曰繫在太陰溼土之邪鬱蒸當發身黃若小便自利者其溼熱之氣已從下泄故不能發黃也如此而至七八日雖發暴煩乃陽氣流動腸胃通行之徵也下利雖一日十餘行必下盡而自止脾家之正氣實故腸胃中有形之穢腐去穢腐去則脾家無形之溼熱亦去故也○喻嘉言曰前陽明篇中不能發黃以上語句皆同但彼以胃實而便鞭其證復轉陽明此以脾實而下穢腐其證正屬太陰至七八日暴煩下利日十餘行其證又與少陰無別而利盡穢腐當自止則不似少陰之煩燥有加下利漫無止期也○秦皇士曰脈浮陽脈也脈緩太陰也上章以自利不渴定其太陰寒證下利此章以脈浮手足自溫定其太陰溼熱下利太陰溼熱當發身黃若小便自利不發黃至七八日大便結鞭此外傳陽明溼熱變燥而爲脾約等證若不外傳而發暴煩下利雖每日十餘行溼熱去盡必自止而愈以脾熱穢腐當去者也同一太陰熱邪以溼熱繫在太陰下利則入太陰篇以外傳陽明溼熱變燥大便乾結則入陽明篇此千古未白○汪苓友曰成註云下利煩躁者死此爲先利而後煩是正氣脫而邪氣擾也茲則先煩後利是脾家之正氣實故不受邪而與之爭因暴發煩熱也下利日十餘行者邪氣隨腐而去利必自止

而病

亦愈

本太陽病醫反下之因爾腹滿時痛者屬太陰也桂枝加芍藥

湯主之大實痛者桂枝加大黃湯主之

「玉函」無本字大實下「成本」另為一條「千金翼」作加大黃湯主

之無桂

枝二字

張隱庵曰此承上文腐穢當去之意而推言本太陽病醫反下之因爾腹滿時痛者乃太陽之邪入於地土而脾絡不通故宜桂枝加芍藥湯主之此即小建中湯治腹中急痛之義也大實痛者乃腐穢有餘而不能去故以桂枝加大黃湯主之○程郊倩曰二證雖屬之太陰然來路實從太陽則脈必尚有浮者存因爾二字宜玩太陰為太陽累及耳非傳邪也○喻嘉言曰太陽病之誤下其變皆在胸脅以上此之誤下而腹滿時痛無胸脅等證則其邪已入陰位所以屬在太陰也仍用桂枝解肌之法以升舉陽邪但倍芍藥以收太陰之逆氣本方不增一藥斯為神耳大實大滿宜從急下然陽分之邪初陷太陰未可峻攻但於桂枝湯中少加大黃七表三裏以分殺其邪可也

「內臺方議」表邪未罷若便下之則虛其中邪氣反入裏若脈虛弱因而腹滿時痛者乃脾虛也不可再下與桂枝加芍藥湯以止其痛若脈沉實大實滿痛以手按之不止者乃



胃實也宜再下與桂枝湯以和表加芍藥大黃以攻其裏

桂枝加芍藥湯方

桂枝

三兩
去皮

芍藥

六兩

甘草

二兩
炙

大棗

十二枚
擘

生薑

三兩
切

右五味以水七升煮取三升去滓溫分三服

溫分〔千金翼〕作分溫

〔方極〕桂枝加芍藥湯治桂枝湯證而腹拘攣劇者

〔方機〕煩脈浮數無鞭滿狀者腹滿寒下脈浮或惡寒或腹時痛者桂枝加芍藥湯主之
方輿輓云其人宿有癥瘕痼癖因痢疾引起固有之毒作腹痛者此方爲之主劑假令因宿食而腹痛吐瀉已後腹痛尙不止者此固有之毒所爲也

桂枝加大黃湯方

〔論識〕案其方依桂枝加芍藥湯則加下疑脫芍藥二字

桂枝

三兩
去皮

大黃

二兩〇〔玉函〕作三兩〔成本〕二兩

芍藥

六兩

生薑

三兩
切

甘草

二兩
炙

大棗

十二枚
擘



右六味以水七升煮取三升去滓溫服一升日三服。

柯韻伯曰妄下後外不解而腹滿時痛是太陽太陰併病若大實痛是太陽陽明併病此皆因妄下而轉屬非太陰陽明之本證也脾胃同處中宮位同而職異太陰主出太陰病則穢腐氣凝不利故腹時痛陽明主納陽明病則穢腐燥結而不行故大實而痛仍主桂枝湯者是桂枝證未罷不是治病求本亦不是升舉陽邪仲景治法只舉目前不拘前證如二陽併病入陽證罷但潮熱汗出大便難而譫語者即用大承氣矣此因表證未罷而陽邪已陷入太陰故倍芍藥以滋脾陰而除滿痛此用陰和陽法也若表邪未解而陽邪陷入於陽明則加大黃以潤胃燥而除其大實痛此雙解表裏法也凡妄下必傷胃氣胃陽虛即陽邪襲陰故轉屬太陰胃液涸則兩陽相搏故轉屬陽明屬太陰則腹滿時痛而不實陰道虛也屬陽明則腹大實而痛陽道實也滿而時痛下利之兆大實而痛是燥屎之徵桂枝加大芍藥小變建中之劑桂枝加大黃微示調胃之方也○汪苓友曰桂枝加大黃湯仲景雖入太陰例實則治太陽陽明之藥也與大柴胡湯治少陽陽明證義同

〔傷寒準繩〕婦人傷寒中風自汗頭痛項背強發熱惡寒脈浮而緩恐熱入血室故倍加芍藥桂枝加芍藥湯

〔總病論〕小建中湯不用飴餹芍藥爲君止痛復利邪故也

〔活人書〕關脈實腹滿大便秘按之而痛者實痛也桂枝加大黃湯

〔濟陽綱目〕桂枝加大黃湯治腹中寒熱不調而大痛

雖間煥云治小兒宿食不化而腹痛者
若嘔者倍大黃凡用此方宜倍加大黃

太陰爲病脈弱其人續自便利設當行大黃芍藥者宜減之以

其人胃氣弱易動故也

〔原註〕下利者先煎芍藥三沸〔玉函〕
同○太陰爲病〔千金翼〕作無陽證

程郊倩曰前條之行大黃芍藥者以其病爲太陽誤下之病自有浮脈驗之非太陰爲病也
若太陰自家爲病則脈不浮而弱矣縱有腹滿大實痛等證其來路自是不同中氣虛寒必
無陽結之慮目前雖不便利續自便利只好靜以俟之大黃芍藥之宜行者減之況其不宜
行者乎誠恐胃陽傷動則洞泄不止而心下痞鞭之證成雖復從事於溫所失良多矣胃氣
弱對脈弱言易動對續自便利言太陰者至陰也全憑胃氣鼓動爲之生化胃陽不衰脾陰
自無邪入故從太陰爲病指出胃氣弱來○張令韶曰曰便利其非大實痛可知也曰設當
行其不當行可知也總之傷寒無分六經一切皆以胃氣爲本○喻嘉言曰此段叮嚀與陽
明篇中互發陽明曰不轉失氣曰先鞭後溏曰未定成鞭皆是恐傷太陰脾氣此太陰證而
脈弱便利減用大黃芍藥又是恐傷陽明胃氣也

喻嘉言曰仲景傷寒論六經中惟太陰經文止八條方止二道後人致惜其非全書昌細繹
其所以約畧之意言中風即不言傷寒言桂枝即不言麻黃言當溫者則曰宜四逆輩全是
引伸觸類之妙可見治法總不出三陽外但清其風寒之原以定發汗解肌更於腹之或滿



或痛間辨其虛實以定當下當溫而已了無餘義矣自非深入闡奧者孰能會其為全書也哉

胡章及曰太陰篇之法獨畧非畧也散見於六經耳六經之證未有能外太陰者以脾為一身之主也脾氣強健何病不愈否則諸法皆不驗矣

案太陰之證散見於各經而本經只八節惟畧具提綱而已其腹滿時痛之證具於太陽篇以其本為太陽之轉屬發黃之證詳於陽明篇以二者相表裏也其他或直接或間接

各篇皆有其證治讀

者可互參而得焉

太陰病大便反軟腹中脹滿此為食不化脈當浮而濇宜白朮

乾薑枳實白蜜湯主之若不脹滿短氣此乃脾氣陷脈當下墜

宜黃耆五物湯加乾薑半夏主之

以下十五條及方據「古本」補

白朮乾薑枳實白蜜湯方

白朮 三兩
乾薑 三兩
枳實 一兩半
白蜜 二兩



右四味、先煎三味、以水六升、煮取三升、去滓、內白蜜、烱消、溫服一升、日再服。

黃耆五物加乾薑半夏湯方

黃耆

三兩

芍藥

三兩

桂枝

三兩

生薑

六兩

大棗

十二枚

乾薑

三兩

半夏

半升

右七味、以水六升、煮取二升、溫服七合、日三服。

太陰病、渴欲飲水、飲水即吐、此為水隔在上、脈當浮弦而濇、乾

薑半夏竹茹茯苓湯主之。

乾薑

二兩

半夏

一升

竹茹

一兩

茯苓

四兩



右四味以水四升、煮取二升、溫服一升、日可三四服、得吐止爲度。

太陰病、下利口渴、發熱汗出、此爲脾津竭、脈當虛數而濇、人參白朮生薑大棗甘草飴膠湯主之。

人參 三兩

白朮 三兩

生薑 一兩半切

大棗 十二枚擘

甘草 二兩炙

飴膠 一升

右六味以水七升、煮取三升、去滓、內膠、更上微火消解、溫服一升、日三服。

太陰病、不下利吐逆、但腹中苦脹、此爲脾氣結、脈當大而滑、宜厚朴枳實半夏知母湯主之。

厚朴

二兩炙
去皮

枳實

三枚大
者炙

半夏

一升

知母

三兩

右四味以水四升煮取二升溫服一升日再服得大便秘利

腹脹卽減虛者禁與

太陰病不腹滿不吐嘔但利不自覺此爲脾陽衰脈當濡而濇

宜人參乾薑蜀椒甘草湯主之

人參

三兩

乾薑

三兩

蜀椒

二兩

甘草

二兩
炙

右四味以水三升煮取一升去滓分溫再服復利不止者加

黃耆三兩附子一枚

大陰病惡風欲吐不吐下利時甚時疏此爲脾受風脈當浮而

瀋宜茯苓白朮桂枝半夏生薑湯主之。

茯苓 三兩 白朮 三兩 桂枝 三兩 半夏 一升 生薑 三兩切

右五味以水六升煮取二升去滓溫服一升日再服。

太陰病惡風吐逆腹中冷痛雷鳴下利此為脾受寒脈當緊而弱乾薑附子麻黃薤白湯主之。

乾薑 三兩 附子 一枚炮 麻黃 一兩 薤白 三兩

右四味以水五升先煮乾薑附子取二升內麻黃薤白煮取一升半分溫再服。

欬發於肺不獨肺病所以然者肺司氣五藏受邪欲作欬必先

